

CYNGOR SIR YNYS MÔN	
Adroddiad i:	Pwyllgor Archwilio a Llywodraethu / Cyngor Sir
Dyddiad:	25 Gorffennaf 2017 / 26 Medi 2017
Pwnc:	Adroddiad Blynyddol y Pwyllgor Archwilio a Llywodraethu 2016/17 – Adroddiad y Cadeirydd
Pennaeth Gwasanaeth:	Marc Jones, Pennaeth Swyddogaeth (Adnoddau) / Swyddog Adran 151 01248 752601 MarcJones@ynysmon.gov.uk
Awdur yr Adroddiad:	Marion Pryor, Pennaeth Archwilio a Risg 01248 752611 MarionPryor@ynysmon.gov.uk
Natur yr Adroddiad a Rheswm dros Adrodd: Yn unol â'i gylch gorchwyl, mae gofyn i'r Pwyllgor Archwilio a Llywodraethu baratoi adroddiad i'r Cyngor ar ei weithgareddau yn ystod y flwyddyn. Mae'r adroddiad hwn yn darparu'r adroddiad sy'n ofynnol er mwyn bodloni'r gofyn hwn.	

1. Cyflwyniad

- 1.1. Mae'r adroddiad hwn yn manylu ar weithgareddau'r Pwyllgor Archwilio a Llywodraethu yn ystod 2016/17.

2. Argymhelliad

- 2.1. Fod y Pwyllgor Archwilio a Llywodraethu'n cymeradwyo Adroddiad Blynyddol y Pwyllgor Archwilio a Llywodraethu ar gyfer 2016/17 cyn ei gyflwyno i gyfarfod y Cyngor Sir ar 26 Medi 2017.

3. Gwybodaeth Gefndir

- 3.1. Mae Pwyllgor Archwilio a Llywodraethu'n un o bwyllgorau statudol y Cyngor. Mae'n elfen allweddol o fframwaith llywodraethu'r Cyngor sy'n darparu adnodd annibynnol a lefel uchel i gefnogi llywodraethu da a rheolaeth ariannol gyhoeddus gadarn.
- 3.2. Mae'r Pwyllgor yn darparu sicrwydd annibynnol i'r rheini sy'n gyfrifol am lywodraethu ynglŷn â digonolrwydd y fframweithiau llywodraethu a rheoli risg, yr amgylchedd reoli fewnol, ac uniondeb y drefn adrodd ariannol. Drwy oruchwylio archwilio mewnol ac allanol a rheoleiddwyr eraill, mae'n gwneud cyfraniad pwysig o ran sicrhau fod trefniadau sicrwydd effeithiol yn eu lle.

4. Llywodraethu

- 4.1. Mae'n ofynnol bod awdurdodau lleol Cymru'n cynnal adolygiad blynyddol o effeithiolrwydd trefniadau rheoli mewnol a llywodraethu gyda'i Ddatganiad Cyfrifon blynyddol.
- 4.2. Yn dilyn ymgynghori eang, cynhyrchodd y Cyngor Ddatganiad Llywodraethu Blynyddol ac adolygiad o brosesau llywodraethu yn ystod y flwyddyn. Roedd Datganiad 2015/16 yn gyson ag egwyddorion Fframwaith CIPFA/SOLACE ar gyfer Darparu Llywodraethu Da mewn Llywodraeth Leol (*Framework for Delivering Good Governance in Local Government*).
- 4.3. Yn ei gyfarfod ar 21 Medi 2016 cymeradwyodd y Pwyllgor y Datganiad Llywodraethu Blynyddol ar gyfer 2015/16 a chyfeiriwyd y ddogfen i sylw Arweinydd y Cyngor a'r Prif Weithredwr, yn unol â'r gofyn statudol.

5. Rheoli Risg

- 5.1. Mae Mesur Llywodraeth Leol (Cymru) 2011 yn ei gwneud yn ofynnol i awdurdodau lleol benodi Pwyllgor sydd â chyfrifoldeb am adolygu ac asesu trefniadau rheoli risg, rheolaeth fewnol a threfniadau llywodraethu corfforaethol y Cyngor. Mae cylch gorchwyl y Pwyllgor Archwilio a Llywodraethu'n gosod dyletswydd arno i wireddu'r gofynion hyn.
- 5.2. Yn ystod y flwyddyn, mae'r Pwyllgor wedi parhau i gefnogi'r gwaith o ddatblygu'r fframwaith Rheoli Risg o fewn y Cyngor. Cymeradwyodd y Pwyllgor Bolisi Rheoli Risg y Cyngor yn ei gyfarfod ar 27 Gorffennaf 2015 a rhoddodd ystyriaeth i risgiau corfforaethol y Cyngor ar 26 Mai 2016 a 6 Rhagfyr 2016.
- 5.3. Bydd y Cyngor yn adolygu ei ddull o reoli risg yn ystod 2017/18. Bydd y Pennaeth Archwilio a Risg yn diweddarau'r Pwyllgor yn ôl yr angen.

6. Cyfrifon Ariannol

- 6.1. Derbyniodd a nododd y Pwyllgor y Datganiad o Gyfrifon ar gyfer 2015/16 yn ddibynnol ar ddatrys y mater a oedd yn sefyll fel y cafodd ei adrodd gan y Pennaeth Swyddogaeth (Adnoddau) a Swyddog Adran 151.
- 6.2. Dirprwyodd y Pwyllgor yr awdurdod i'r Cadeirydd a'r Is-gadeirydd i argymhell y Datganiad o Gyfrifon 2015/16 ar gyfer ei gymeradwyo gan y Cyngor ar ôl derbyn cadarnhad gan yr Archwilwyr bod y mater sy'n sefyll yn y cyfrifon wedi ei ddatrys yn foddhaol a'u bod mewn sefyllfa i gyhoeddi barn ddiamed.
- 6.3. Yn dilyn datrys y materion a oedd yn sefyll, cyhoeddodd yr archwilwyr farn ddiamed ar y Datganiad o Gyfrifon ar 30 Medi 2016, yn unol â'r dyddiad cau.

7. Rheoli Trysorlys

- 7.1. Yn unol â'i gylch gorchwyl a Chôd Ymarfer CIPFA ar gyfer Rheoli Trysorlys mewn Gwasanaethau Cyhoeddus (2011), bu i'r Pwyllgor graffu ar Strategaeth Rheoli Trysorlys y Cyngor ar gyfer 2016/17 ar 6 Rhagfyr 2016 ac ystyried yr Adolygiad Rheoli Trysorlys Blynyddol ar gyfer 2015/16 ar 25 Gorffennaf 2016. Cyfeiriodd y Pwyllgor y ddwy ddogfen i'r Pwyllgor Gwaith heb wneud unrhyw sylwadau ychwanegol.
- 7.2. Derbyniodd y Pwyllgor adroddiad canol blwyddyn Rheoli Trysorlys yn ei gyfarfod ar 6 Rhagfyr 2016 er mwyn monitro datblygiadau a thueddiadau.
- 7.3. Fel rhan o'r broses o graffu ar yr adroddiadau uchod, adolygodd y Pwyllgor lefel y risg y mae'r Cyngor yn agored iddi a'i allu i reoli risg mewn perthynas â'i weithgareddau Rheoli Trysorlys.

8. Archwilio Mewnol

- 8.1. Yn ystod 2016/17, roedd gan y Cyngor Dîm Archwilio Mewnol mewnol wedi ei reoli o dan Gytundeb Lefel Gwasanaeth gyda Chyngor Bwrdeistref Sirol Conwy o 1 Awst 2015. Daeth y trefniant hwn i ben ar 31 Mawrth 2017 pan benodwyd Pennaeth Archwilio a Risg mewnol.
- 8.2. Cymeradwyodd y Pwyllgor y Siarter Archwilio Mewnol presennol yn ei gyfarfod ar 25 Ebrill 2015. Bydd y Pennaeth Archwilio a Risg yn cyflwyno Siarter ddiwygiedig i'r Pwyllgor ym mis Medi 2017 er mwyn ei chymeradwyo.
- 8.3. Cymeradwyodd y Pwyllgor y Strategaeth Archwilio Mewnol 2016/17 – 2018/19 a'r Cynllun Archwilio Blynyddol 2016/17 yn ei gyfarfod ar 15 Mawrth 2016. Adroddodd y Rheolwr Archwilio ar ganlyniadau pob un o gyfarfodydd rheolaidd y Pwyllgor fel rhan o'r adroddiad cynnydd archwilio mewnol. Mae adroddiadau cynnydd hefyd yn cynnwys cynnydd y mae gwasanaethau'n ei wneud wrth weithredu argymhellion archwilio mewnol.
- 8.4. Yn ei gyfarfod ar 26 Mai 2016, yn unol â Safonau Archwilio Mewnol y Sector Cyhoeddus, cyflwynodd y Pennaeth Archwilio mewnol i'r Pwyllgor ei farn archwilio mewnol blynyddol ar gyfer 2015/16 a oedd yn seiliedig ar asesiad gwrthrychol o'r fframwaith llywodraethu, trin a rheoli risg.
- 8.5. Ystyriodd y Pwyllgor adnoddau archwilio mewnol y Cyngor yn ei gyfarfod ar 26 Mai 2016 a gofynnwyd i'r Pennaeth Swyddogaeth (Adnoddau) a Swyddog Adran 151 godi pryderon y Pwyllgor gyda'r Uwch Dîm Arweinyddiaeth.

9. Archwilio Allanol

- 9.1. Archwiliwr Cyffredinol Cymru yw archwiliwr allanol statudol y Cyngor. Mae rôl yr Archwiliwr Cyffredinol yn cynnwys archwilio sut mae'r Cyngor yn rheoli a gwario arian cyhoeddus, yn cynnwys sut mae'n cyflawni gwerth am arian wrth ddarparu

gwasanaethau cyhoeddus a pha mor dda mae'r Cyngor yn cynllunio ar gyfer gwella.

- 9.2. Mae Swyddfa Archwilio Cymru, ar ran yr Archwiliwr Cyffredinol, yn ymgymryd â'r Gwaith Perfformiad. Yn y cyfarfod ar 25 Gorffennaf 2016 adroddodd ar ei waith a rhoddwyd crynodeb o adroddiadau a gyhoeddwyd gan reoleiddwyr eraill, sef AGGCC, Estyn a Chomisiynydd yr Iaith Gymraeg.
- 9.3. Mae Deloitte, ar ran yr Archwiliwr Cyffredinol, yn ymgymryd â gwaith archwilio ariannol. Yn y cyfarfod ar 21 Medi 2016 adroddodd ar ei fwriad i gyhoeddi adroddiad archwilio ddiamod ar y datganiadau ariannol ar gyfer 2015/16.
- 9.4. Mae'r Pwyllgor wedi derbyn ac ystyried adroddiadau diweddar rheolaidd gan Swyddfa Archwilio Cymru a Deloitte. Mae hon yn agwedd bwysig ar fusnes y Pwyllgor er mwyn sicrhau fod y Cyngor yn ystyried yr holl adroddiadau allanol, un ai yn y Pwyllgor Archwilio a Llywodraethu neu un o'r Pwyllgorau Sgriwtini, a bod yn y camau priodol yn cael eu cymryd.

10. Gwrthsefyll Twyll a Llygredd

- 10.1. Ni dderbyniodd y Pwyllgor unrhyw adroddiadau ar dwyll a llygredd yn ystod 2016/17.

11. Amllder Cyfarfodydd

- 11.1. Mae cylch gorchwyl y Pwyllgor yn ei gwneud yn ofynnol i'r Pwyllgor gyfarfod o leiaf bedair gwaith y flwyddyn. Yn ystod y flwyddyn, cyfarfu'r Pwyllgor yn ffurfiol ar 8 achlysur.
- 11.2. Ceir gwybodaeth am aelodaeth y Pwyllgor a phresenoldeb mewn cyfarfodydd yn ystod 2016/17 yn [Atodiad A](#).

12. Aelodaeth

- 12.1. Mae'r Pwyllgor yn cynnwys wyth o aelodau'r Cyngor, gyda chydbwysedd gwleidyddol, ynghyd â dim mwy na dau aelod lleyg wedi eu cyfethol a'u penodi gan y Pwyllgor.
- 12.2. Yng nghyfarfod y Pwyllgor ar 12 Mai 2016, etholwyd y Cynghorydd Robert Llewelyn Jones yn Gadeirydd a'r Cynghorydd John Griffith yn Is-Gadeirydd.

13. Effeithiolrwydd

- 13.1. Mae'r Pwyllgor wedi gweithio yn unol â'i gylch gorchwyl, sy'n cynnwys gofynion Mesur Llywodraeth Leol (Cymru) 2011 mewn perthynas â rôl y Pwyllgor Archwilio a Llywodraethu o ran monitro rheoli risg, llywodraethu a rheoli mewnol o fewn y Cyngor.

13.2. Mae camau gweithredu a godwyd gan y Pwyllgor a manylion eu datrysiad yn [Atodiad B](#).

13.3. Manylir ar Flaen Raglen Waith y Pwyllgor ar gyfer 2017/18 yn [Atodiad C](#).

14. Sylwadau'r Cadeirydd

14.1. Dymuna'r cyn-Gadeirydd fynegi ei ddiolch i Aelodau'r Pwyllgor am eu presenoldeb a'u cyfraniad i waith y Pwyllgor yn ystod y flwyddyn ac i staff y Cyngor sydd wedi bod yn bresennol ac wedi cyfrannu i'r cyfarfodydd. Mae'r cyn-Gadeirydd yn dymuno cymryd y cyfle hwn i ddiolch i'r holl staff yn y Gwasanaethau Cyllid ac Archwilio Mewnol, staff a oedd yn gymwynasgar iawn bob amser.

14.2. Dymuna'r cyn-Gadeirydd atgoffa'r Cyngor am bwysigrwydd gwaith y Pwyllgor, sydd hyn yn oed yn fwy perthnasol o dan yr amgylchiadau economaidd presennol o ran sicrhau fod y Cyngor yn cael ei redeg mewn modd cadarn a'i fod yn cael gwerth am arian.

14.3. Mae'r Pwyllgor wedi ymrwymo i barhau i weithio gyda staff y Cyngor er mwyn cefnogi gwelliannau parhaus yng ngweithrediadau'r Cyngor yn 2017/18.

**Y CYNGHORYDD ROBERT LLEWELYN JONES
CYN-GADEIRYDD Y PWYLLGOR ARCHWILIO A LLYWODRAETHU
25 GORFFENNAF 2017**

Atodiad A – Amllder Cyfarfodydd a Phresenoldeb

Aelodau	Cyfarfodydd								Nifer cyfarfodydd a fynychwyd
	12/05/16	26/05/16	27/06/16	25/07/16	21/09/16	06/12/16	09/02/17	28/03/17	
Cyng R.Ll.Jones (Cadeirydd)	Presennol	Presennol	Presennol	Presennol	Presennol	Presennol	Presennol	Presennol	8
Cyng John Griffith (Is-Gadeirydd)	Presennol	Presennol	Presennol	Presennol	Presennol	Presennol	Presennol	Presennol	8
Cyng Jim Evans	Presennol	Presennol	Presennol	Ymddiheuro	Presennol	Ymddiheuro	Presennol	Presennol	6
Cyng R O Jones	Presennol	Ymddiheuro	Ymddiheuro	Ymddiheuro	Ymddiheuro	Ddim yn Bresennol	Ymddiheuro	Ymddiheuro	1
Cyng Dafydd Thomas	Presennol	Ymddiheuro	Presennol	Presennol	Presennol	Presennol	Presennol	Presennol	7
Cyng Alun Mummery	Presennol	Presennol	Presennol	Presennol	Presennol	Presennol	Presennol	Presennol	8
Cyng Peter Rogers	Ddim yn Bresennol	Ymddiheuro	Presennol	Presennol	Presennol	Ymddiheuro	Presennol	Presennol	5
Cyng Nicola Roberts	Presennol	Ddim yn Bresennol	Ddim yn Bresennol	Presennol	Presennol	Presennol	Ymddiheuro	Ddim yn Bresennol	4
Mrs Sharon Warnes	Ymddiheuro	Presennol	Presennol	Presennol	Presennol	Presennol	Presennol	Presennol	7
Mr Richard Barker	Ymddiheuro	Presennol	Presennol	Presennol	Presennol	Ymddiheuro	Ymddiheuro	Presennol	5
Cyfanswm ar gyfer y Pwyllgor	7	6	8	8	9	6	7	8	59

Atodiad B – Cynnydd mewn perthynas â'r Camau Gweithredu a godwyd gan y Pwyllgor yn 2016/17

Dyddiad Cyfarfod pan godwyd y mater	Cyf. yn y cofnodion	Mater a Godwyd	Camau Gweithredu sydd eu hangen	Cyfrifoldeb am Weithredu	Dyddiad Cwblhau	Statws Cyfredol	Statws RAG
26/05/16	4	Trefniadau Adfer ar ôl Trychineb TGCh	Rhoi'r wybodaeth ddiweddaraf i'r Pwyllgor am y cynnydd o ran mynd i'r afael â materion mewn perthynas ag Adfer ar ôl Trychineb TGCh.	Rheolwr Parhad a Chefnogi Busnes TGCh	Parhaus	Derbyniwyd diweddariad ar: 27/06/16 25/07/16 21/09/16 Mae'r Pwyllgor yn parhau i fonitro cynnydd – gweler 09/02/15 Eitem 5	Gwyrdd
26/05/16	4	Sicrhau y darperir adnoddau digonol i'r Gwasanaeth Archwilio Mewnol	Dilyn i fyny bryderon y Pwyllgor gyda'r Uwch Dîm Arweinyddiaeth	Pennaeth Swyddogaeth (Adnoddau) a Swyddog Adran 151	Yn syth	Gweithredwyd	Gwyrdd

Dyddiad Cyfarfod pan godwyd y mater	Cyf. yn y cof nod ion	Mater a Godwyd	Camau Gweithredu sydd eu hangen	Cyfrifoldeb am Weithredu	Dyddiad Cwblhau	Statws Cyfredol	Statws RAG
26/05/16	4	Archwilio Mewnol i ddarparu diweddariad cryno ar feysydd penodol sy'n peri pryder	Ymgorffori yn y broses adrodd chwarterol i'r Pwyllgor, grynodedd sy'n rhoi diweddariad ar feysydd penodol sy'n peri pryder, yn cynnwys statws y camau gweithredu, y swyddogion sydd â chyfrifoldeb a'r amserlen ar gyfer cwblhau.	Pennaeth Swyddogaeth (Adnoddau) a Swyddog Adran 151 / Rheolwr Archwilio Mewnol	Yn syth	Gweithredwyd	Gwyrdd
26/05/16	8	Adolygu Penodi Aelodau Lleyg	Ymestyn penodiadau'r ddau Aelod Lleyg presennol o'r Pwyllgor Archwilio a Llywodraethu i fis Mai 2017.	Pennaeth Swyddogaeth (Adnoddau) a Swyddog Adran 151	Yn syth	Gweithredwyd	Gwyrdd
26/05/16	8	Adolygu Penodi Aelodau Lleyg	O fis Mai 2017, bod Aelodau Lleyg a benodir i'r Pwyllgor yn cael eu penodi am gyfnod sefydlog o 5 mlynedd i gyd-fynd â'r cyfnod amser rhwng etholiadau'r Cyngor a bod aelodau a benodir felly'n gallu gwasanaethu am fwy nag un tymor, naill ai'n olynol neu ar unrhyw adeg.	Pennaeth Swyddogaeth (Adnoddau) a Swyddog Adran 151	Yn syth	Gweithredwyd	Gwyrdd

Dyddiad Cyfarfod pan godwyd y mater	Cyf. yn y cof nod ion	Mater a Godwyd	Camau Gweithredu sydd eu hangen	Cyfrifoldeb am Weithredu	Dyddiad Cwblhau	Statws Cyfredol	Statws RAG
25/07/16	3	System wrth gefn ar gyfer Adfer ar ôl Trychineb TGCh	Darparu crynodeb ysgrifenedig i'r Pwyllgor yn amlinellu sut fyddai'r system wrth gefn yn gweithio os digwydd trychineb.	Rheolwr Gwasanaeth a Rheoli Pherfformiad TGCh	21/09/16	Gweithredwyd	Gwyrdd
25/07/16	4	Darlun clir a chywir o sefyllfa gwasanaethau o ran gweithredu argymhellion archwilio.	Codi gyda'r UDA pa mor bwysig yw bod Rheolwyr yn cyfathrebu'n effeithiol ac amserol i ddarparu darlun clir a chywir o sefyllfa gwasanaethau o ran gweithredu argymhellion archwilio.	Pennaeth Swyddogaeth (Adnoddau) a Swyddog Adran 151	21/09/16	Gweithredwyd	Gwyrdd
21/09/16	5	Archwiliad Mewnol Diogelu Corfforaethol - cyfeirio i'r Pwyllgor Sgriwtini Corfforaethol	Canfyddiadau adolygiad archwilio mewnol Diogelu Corfforaethol i'w cyfeirio i'r Pwyllgor Sgriwtini Corfforaethol ar gyfer craffu.	Pennaeth Swyddogaeth (Adnoddau) a Swyddog Adran 151	Yn syth	Gweithredwyd gan Banel o'r Pwyllgor Sgriwtini Corfforaethol ar 17/10/16	Gwyrdd

Dyddiad Cyfarfod pan godwyd y mater	Cyf. yn y cof nod ion	Mater a Godwyd	Camau Gweithredu sydd eu hangen	Cyfrifoldeb am Weithredu	Dyddiad Cwblhau	Statws Cyfredol	Statws RAG
09/02/17	5	Diweddariad terfynol ar y cynllun Adfer ar ôl Trychineb TGCh	Y Pwyllgor i dderbyn diweddariad terfynol ar Adfer ar ôl Trychineb TGCh ym Mehefin 2017 iddo fodloni ei hun bod y camau gweithredu sy'n weddill wedi eu cwblhau.	Rheolwr Gwasanaeth a Rheoli Perfformiad TGCh	28/06/17	Rheolwr Gwasanaeth a Rheoli Perfformiad TGCh wedi derbyn gwahoddiad i'r cyfarfod ar 25/07/17	Ambr
28/03/17	7	Ymateb y Cyngor i adroddiad arolygu AGGCC ar y Gwasanaethau Plant	Diweddariad ar y sefyllfa o ran ymateb i adroddiad arolygu AGGCC ar y Gwasanaethau Plant.	Rheolwr Archwilio Mewnol / Pennaeth Archwilio a Risg	28/06/17	Y Pwyllgor i dderbyn sicrwydd fod gan y Cyngor drefniadau mewn lle i ymateb i adroddiad AGGCC	Gwyrdd
28/03/17	8	Meini prawf cymhwyster ar gyfer penodi Aelodau Lleyg	Cadarnhau gyda'r Pennaeth Swyddogaeth (Busnes y Cyngor) / Swyddog Monitro a oes unrhyw hyblygrwydd o ran gweithredu'r meini prawf cymhwyster.	Pennaeth Swyddogaeth (Adnoddau) / Swyddog Adran 151	Yn syth	Gweithredwyd	Gwyrdd

Atodiad C – Blaen Raglen Waith 2017/18

Dyddiad	Cyfrifon	Archwilio Mewnol	Archwilio Allanol	Rheoli Trysorlys	Rheoli Risg	Llywodraethu	Arall
Mai 2017							Ethol Cadeirydd ac Is-Gadeirydd
Mehfin 2017	Datganiad Cyfrifon Drafft a Datganiad Llywodraethu Blynyddol	Adroddiad Blynyddol Archwilio Mewnol ar gyfer 2016/17	Adroddiad Cynnydd				
Gorffennaf 2017		Adroddiad Diweddarau	Adroddiad Cynnydd	Adroddiad Blynyddol ar Weithgaredd Rheoli Trysorlys 2016/17			Adroddiad Blynyddol y Pwyllgor – Adroddiad y Cadeirydd
Medi 2017	Argymell, er cymeradwyaeth y cyngor, y Datganiad Cyfrifon Blynyddol a'r Datganiad Llywodraethu Blynyddol	Adroddiad Diweddarau	Cyflwyno Adroddiad ar y Cyfrifon i'r rheini sy'n gyfrifol am Lywodraethiant (ISA 260)		Adolygiad Blynyddol o'r Strategaeth Rheoli Risg Adolygiad o'r Gofrestr Risg Gorfforaethol	Cynnydd mewn perthynas ag Adroddiadau Rheoleiddio Allanol	

Dyddiad	Cyfrifon	Archwilio Mewnol	Archwilio Allanol	Rheoli Trysorlys	Rheoli Risg	Llywodraethu	Arall
Rhagfyr 2017		Adroddiad Diweddarau	Adroddiad Cynnydd	Craffu ar yr Adroddiad Gweithgaredd Rheoli Trysorlys Canol Blwyddyn 2017/18		Adolygiad Blynyddol o Gylch Gorchwyl y Pwyllgor Archwilio a Llywodraethu Adroddiad Blynyddol Iechyd a Diogelwch	Adroddiad Blynyddol ar Dwyll a Llygredd Adolygiad Blynyddol o Drefniadau Effeithiolrwydd a Gwrth Dwyll y Pwyllgor
Chwefror 2018		Strategaeth Archwilio Mewnol a Chynllun Blynyddol 2018/19 i'w cymeradwyo Adroddiad Diweddarau	Adroddiad Cynnydd	Strategaeth Rheoli Trysorlys 2018/19 yn cynnwys Dangosyddion Darbodus	Cofrestr Risg Corfforaethol	Cynnydd mewn perthynas ag Adroddiadau Rheoleiddio Allanol	